

30. september 2019

EM2019/146

Uunga siunnersuut: Utoqqaat illersuisuat pillugu Inatsisartut inatsisaat nr. xx, xx. xxx 2019-imeersoq

(Peqqissutsimut, Isumaginninnermut Inatsisinillu Atuutsitsinermut Naalakkersuisoq)

Naalakkersuisut Inatsisissatut siunnersuutaat, **Utoqqaat illersuisuat pillugu Inatsisartut inatsisaat nr. xx, xx. xxx 2019-imeersoq**, imaattumik oqaaseqarfigissavarput.

Siumut-minngaaniit nuannaarutigaarput Naalakkersuisut Inatsisissamik saqqummiussinerat. Aamma qularinngivipparput tamatta nunatsinniittut utoqqartatta kiisalu aamma utoqqasiarsaalernikut Naalakkersuisuniit siunnersuutigineqartoq nuannaarutigalugu tigulluarneqarsimasaqisoq.

Siumut-p anguniartuuvaa nunatsinnit utoqqaat atugassamik pitasaamik inissimajuarnissaat, kiisalu aamma nunatsinni utoqqaat nuannaarlutik utoqqalinertik eqqissisimaarfigissagaat.

Inatsisissatut siunnersuutigineqartup ukiorpassuanngortuni utoqqaat ikiorneqarnissaminnut immaqaluunniit aningaasaqarnikkut sorsuttuarnerat Siumut-miit naatsorsuutigivarput iluaqutigineqartuassasoq. Tassami soorlu nalunngikkippat inuiaqatigiinni ingerlatsinermi peqatigiiffiit iliuseqartillugit oqariatuutigineqartartut kimittunerullutik tusaaneqarnissaminnullu periarfissaqarnerusarnerat nalunngikkippat.

Assersuutigalugu timersoqatigiiffiit assigiinngitsut peqatigiiffeqartut, aalisartut piniartullu peqatigiiffeqarlutik kattuffeqartut. ilinniartitsisut peqqissaasut il.il.

Siumut-minngaaniit naatsorsuutigilluinnarparput utoqqaat inatsisitigut illersuisoqalernermikkut annertunerujussuarmik siunissaq ungasinnerusoq eqqarsaatigalugu sunniuteqarsinnaanerat periarfissarsiuunneqarluni ammaassiffigineqarumaartoq.

Siumut-minngaaniit pingaartillugu oqaatigissuarput utoqqartatta nunatsinni sulereernikuullutik immersuingaatsiareernikuullutillu inooqataasimasut, kiisalu aamma toqukkat qimagussimasut ilaqtai uummammik pisumik qutsavigerusukkatsigit. Taakkuuppummi nunatta siulitsinniit perorsarsimassutsikkut kingornussanik ingerlatitseqqinnikuusut.

Siumut-minngaaniit taamatut oqaaseqarluta Naalackersuisut inatsisissatut saqqummiussaat tamakkisumik taperserlugu ataatsimiisitaliamut ingerlateqqinneqarnissaa kissaatigaarput. Ataatsimiisitaliarlu sulilluarnissaanni kissaallugu.

Mala Høy Kuko
Siumut